

四庫全書

子部

欽定四庫全書

說郛卷五十三上

元 陶宗儀 撰

南渡宮禁典儀

周密

慶壽冊寶

壽皇聖孝冠絕古今承顏兩宮以天下養一時盛事莫  
大于慶壽之典今摭錄大略于此淳熙三年光堯聖壽  
七十預于舊歲冬至加上兩宮尊號立春日行慶壽禮  
至十三年太上八十正月元日再舉慶典其日文武百

僚集大慶殿各服朝服用法駕五百三十四人大樂四十八架正樂一百八十八人及列儀仗鼓吹于殿門外上服通天冠絳紗袍執大圭恭行冊寶之禮鼓吹振作禮儀使已下皆導從上乘輦從至德壽宮俟太上升御座宮架樂作皇帝北向再拜奏起居致詞曰臣某稽首言伏惟聖號太上皇帝陛下壽同天承德與日新典冊揚徽華夷賴慶左相宣荅曰聖號太上皇帝聖旨皇帝迎陽展采縷牒滌親何幸吾身屢觀盛事次皇太子已

下稱賀致詞宣荅訖並再拜舞蹈禮畢次詣太上皇后  
殿行禮如前候解嚴訖皇帝入宮進奉禮物家人禮  
御宴極歡自皇帝以至羣臣禁衛吏卒往來皆簪花後  
三日百官拜表稱賀于文德殿四方萬姓不遠千里快  
觀盛事都民垂白之老喜極有至泣下者楊誠齋詩云  
長樂宮前望翠華玉皇來賀太皇家青天白日仍飛雪  
錯認東風轉柳花春色何須羯鼓催君王元日領春回  
牡丹芍藥薔薇朶都向千官帽上開任斯菴詩云金爵

觚稜曉日開三朝喜氣一時回聖人先御紅鸞扇天子  
龍輿萬騎來霜曉君王出問安寶香隨輦護朝寒五雲  
深處三宮宴九奏聲中二聖歡

四孟駕出

先期禁衛所閣門牒臨安府約束居民不許登高及杖  
袒觀看男子並令衫帶婦人裙背仍先一日封閉樓門  
取責知委不許容着來厯不明之人殿步三司各撥統  
制將官軍兵六千二百人擺齣諸巷

大禮則  
倍此數

至日五鼓

地分頭項沿門驅逐雜人外儀衛節次如后

地分約攔

諸廂約攔

緝捕使臣

都轄官約攔

軍器庫從物

內藏庫從物

御酒庫從物

御厨從物

祇候庫從物

騏驎院御馬

兩行

御藥院藥架

引從舍人

兩行

諸司庫務官

兩行

搜視行宮司

行宮殿門

控攏親從

二百十五人

前驅親從

兩行各二十一人

贊喝舍人

兩行各八人

天武

兩行各八人居內

都下親從

兩行各八人居內

駕頭

閣門祇候乘騎捧駕

引主駕首

兩行各五人

閣門提點

兩行

御史臺知班

兩行

尚書省錄事

密院副承旨

珠子御座

院馬御馬

喝御座

閣門簿書

兩行

宣贊舍人

兩行

茶酒班

環衛官

帶御器械

攔前等

輦官人員

逍遙輦

輦官十  
六人

御輦院官

閣門承受

兩  
行

御燎子頭籠

翰林司官

御絲鞋所

御服所

御座馬

兩行  
十匹

馬院總管

御軍器庫

睿思殿庫



閣子庫

閣門覺察官

兩行

長入祇候

兩行各二十  
十六人

茶酒班殿侍

各三十  
一人

快行親從

各三十  
二人

繫鞭

兩行各  
七人

殿前指揮使

兩行各三十  
一人居外

茶酒班殿侍

兩行各六人  
執從物居內

編排禁衛行子

三十一人  
內往來編排

等子人員十將

兩行各四  
人居外

御龍直

共八十二人  
執從物居內

知閣門事

乘馬行  
園子內

步帥

乘馬行  
園子內

親從方園子

兩行各一  
百四十人

圍子兩邊各四重

第一重

內殿直已下兩邊各一百人

第二重

崇政殿圍子兩邊各一百人

第三重

御龍直兩邊各一百人

第四重

崇政殿圍子兩邊各一百人

水手并戲捕等子

兩邊各五人

攔前崇政殿親從

十七人

殿師

乘騎行圍子內中道

主管禁衛所

內官

等子

兩邊各二十五人居外

中道

第二日并恭謝教坊樂人迎駕念致語口號等并教坊樂部于此排立

快行親從

兩邊各三十人

塵芥拂子

水晶骨朵

香毬二

打燭快行

兩行駕  
回不用

編排官

二人

執燈籠親從

兩行各七十四人列至  
衆安橋去燭駕回先行

行門

兩行各  
十二人

當食官

聽宣官

輦官人員

平輦

輦官三  
十六人

黃羅御繖二

黃羅御扇二

挾輦御藥

帶插外御帶

帶插閣下官

閣門覺察舍人

攔後圍子

挾輦指揮使

各二十一人

輦後樂

東西兩班各三十人第一日不作

天武

兩行各八人居外

都下親從

兩行各八人

扇篔

挾輦內殿直

各二十二人

宰臣

使相

執政

宰執後約攔親從

各二十二人

閣門覺察宣贊舍人

侍從後約攔親從

各二十二人

從駕臣僚分東西班

東班係尚書侍郎兩制等官西班係正任宗室遙郡

車駕所經諸百官司皆結綵門迎駕起居俟駕頭將至

知班行門喝班到排立次唱躬身拜再拜

駕回不拜  
值雨免拜

班首奏聖躬萬福唱喏直身立

齟巷軍兵  
則呼萬歲

大禮

南郊  
明堂

三歲一郊預于元日降詔以冬至有事于南郊或用次

年元日行事

明堂止于半年前降詔  
用是歲季秋上辛日

先于五六月內

擇日

命帥漕及修內司修飾郊壇及絞縛青城齋殿等屋九數

百間悉覆以葦席護以青布并差官兵修築泥路自太

廟至泰禋門又自嘉會門至麗正門計九里三百二十

步

明堂止自太廟至麗正門

皆以潮沙填築其平如席以便五輅之

往來每隊各有歌頭以綵旗為號唱和杵歌等曲以相  
兩街居民各以綵段錢酒為犒又命象院教象前導朱  
旗以二金三鼓為節各有幟頭紫衣蠻奴乘之手執短  
鑿旋轉跪起悉如人意市井因競市繪塑小象以饋遺  
四方又以車五乘壓之以鐵多至萬斤與輅輕重適等  
以觀疾徐傾側之勢至前一月進呈謂之閃試及駕出

前一日縛大綵屋于太廟前置輅其中許都人觀瞻先  
自前一月以來次第按試習儀殆無虛日郊前十日執

事陪祀等官並受誓戒于尚書省

宗室赴太廟受誓戒

前三日百

官奏請皇帝致齋于大慶殿是日上服通天冠絳紗袍

績結佩陞高座侍中奏請降座就齋室次日車駕詣景

靈宮服衮冕行禮

儀從並同四五

禮畢駕回就赴太廟齋殿宿

殿是夕四鼓上服衮冕詣祖宗諸室行朝饗之禮是夜

鹵簿儀仗軍兵于御路兩傍分列間以杙盆黃燭自太

廟直至郊壇泰禋門輝映如晝宰執親王貴家巨室列  
幕櫛比皆不遠千里不憚重費預定于數月之前而至  
期猶有為有力所奪者珠翠錦繡絢爛于二十里間雖  
寸地不容閒也歌舞遊遨工藝百物輻輳爭售通宵駢  
闐至五更則襍稍先驅所至皆滅燈火蓋清道祓除之  
義黎明上御玉輅從以四輅金象革木導以訓象千官百司  
法駕儀仗錦繡雜遝蓋十倍孟饗之數聲容文物不可  
盡述次第出嘉會門至青城宿齋

明堂則徑入麗正門齋殿宿齋

四壁



皆三衙諸軍周廬坐甲軍幕旌旗布列前後傳呼唱號

列燭互巡往來如織行宮至暮則嚴更警惕

太廟齋宿亦然

鼓角轟振又有衛士十餘隊每隊十餘人互喝云是與不

是衆應曰是又喝曰是甚人衆應曰殿前都指揮使某人謂之喝探至三鼓執事陪祀官並入就黃壇排立萬

燈輝耀粲若列星九靛燈皆自為誌號如捧俎官則畫

一人為捧俎之狀等類蓋燈多不容不以此辨認亦有

好奇可笑者用丑時一刻行事至期上服通天冠絳紗

袍乘輦至大次禮部侍郎奏中嚴外辦禮儀使奏請皇帝行事上服袞冕步至小次升自午階天步所臨皆藉以黃羅謂之黃道中貴一人以大金合貯片腦迎前撤之禮儀使前導殿中監進大圭至版位禮直官奏有司

謹具請行事

宮架樂作自此  
上進止皆樂作

時壝壇內外凡數萬衆皆

肅然無譁天風時送佩環韶濩之音真如九天吹下也太社令升煙燔牲首上先詣昊天位次皇地祇次祖宗位奠玉祭酒讀冊文武二舞次亞終獻行禮畢上詣飲

福位爵飲福酒

登歌樂作

禮直官喝賜胙次送神次望燎訖

禮儀使奏禮畢上還大次更衣乘輦還齋宮百僚追班  
賀禮成于端誠殿黎明上乘大安輦從以五輅進發教  
坊排立奏念致語口號訖樂作諸軍隊伍亦次第鼓吹  
振作千乘萬騎如雲奔潮涌四方萬姓如鱗次蟻聚迤  
邐入麗正門教坊排立再奏致語口號舞畢降輦小憩  
以俟辨嚴登門肆赦并陽老人有詩云黃道宮羅瑞腦  
香袞龍升降佩鏘鏘大安輦奏乾安曲萬點明星簇紫

皇又曰萬騎雲從簇錦圍內官排立馬如飛九重闔闔  
開清曉太母登樓望駕歸李鶴田詩云嚴更頻報夜何  
其萬甲聲傳遠近隨梔子燈前紅炯炯大安輦上赴壇  
時

郊壇天盤至地高三丈二尺四寸通七十二級分四  
成上廣七丈共十二階分三十六龕午階闊一丈  
主上升降由此階其餘各闊五尺

圓壇之上止設昊天上帝皇地祇二神位及太祖太

宗配天十六龕共祀五帝太一感生北極北斗及  
分祀衆星三百六十位

儀仗用六千八百八十九人自太廟排列至青城玉  
輅下祇應人共三百二十一人

呵喝人員二人

教馬官二人

挾捧輪將軍四人

推輪車子官健八人

駕士班直二百三十二人

千牛衛將軍二員

抱太常龍旗官六員

職掌五人

專知官一名

手分一名

庫子八人

裝掛匠二人

諸作工匠十五人

蓋覆儀鸞司十一人

監官三員

金象革木輅每輅下一百五十六人

玉輅青飾

金輅黃飾

象輅紅飾

革輅淺色飾

木輅黑飾

輅下有人冠服並依輅色

玉輅前儀仗騎導

騎導宮

左壁文臣

右壁武臣

六軍儀仗官兵二千二百三十二人

左右諸將軍十三員

中道五員  
左右八員

金吾街仗司

執褱稍八十人

攝將軍八員

仗下監門二十六員

鼓吹五百八十三人

導駕樂人三百三十人

車駕幸學

先期三日儀鸞司及內侍省官至國子監相視八廂亦至學中搜檢次日諸齋生員盡行般出學外安泊各齋

門並用黃封學官預擬御課

咸淳丁卯出辟  
雍揚緝熙賦

用黃羅裝

背大冊面僉云太學某齋生臣姓某供以黃羅袂護之置于各齋之前以備駕至點索崇化堂後即聖駕啟泊之所皆設御屏黃羅幃設供御物等凡勅入宮門號



止于國子監外門勅入殿門號止于國子監內門勅入  
禁衛號止于崇化堂天井謂之隔門除司業祭酒外其  
餘學官前廊長諭並帶黃號于隔門外席地坐賜酒食  
三品以俟迎駕駕至純禮坊隨駕樂部叅軍色念致語  
雜劇色念口號起引子導駕至大成殿樞星門禮部太  
常寺官國子監三學官及三學前廊長諭率諸生迎駕  
起居上乘輦入門至大成殿門降輦有旨免鳴鞭以昭  
至敬閣門太常禮直官前導入御幄太常卿跪奏稱太

常卿臣某言請皇帝酌獻之禮上出御幄升殿詣文宣王位前三上香跪受爵三祭酒奠酌兩拜在位皆兩拜降階歸幄太常卿奏禮畢陪位官並退上乘輦鳴鞭入

崇化堂降輦入幄更衣

上所至皆設御幄

禮官國子監官三學

官三學生並於堂下分東西立次引執經官講書官于堂下東壁面西立宰臣執政已下北向立閣門奏班齊上服帽紅上蓋玉束帶絛鞋出崇化堂坐宰臣已下宣名奏聖宮萬福御藥傳旨宣升堂各兩拜贊賜坐分東

西階升堂席後立次引執經官講書官奏萬福

官該宣  
名者即

宣兩拜次引國子監三學官并三學生奏萬福兩拜分

引升兩廊席後立內官進書案聽宣以經授執經官進  
于案上講筵內承受對展經冊入內官進牙界方舍人  
贊賜坐宰相以下及兩廊學官生員應喏訖各就坐聽  
講講書官進讀經義執經官執牙篋執讀入內官收撤  
經書再以講義授講官講書官指講訖入內官撤書堂  
上兩廊官並起分行宰臣以下降階講書官當御前躬

身致詞北向立兩拜御藥降階宣荅云有制謁款將聖  
肅尊視學之儀講繹中庸爰命敷經之彥茂明彛訓允  
當朕心再兩拜御藥傳旨宣坐賜茶訖舍人贊躬身不  
拜各就坐分引升堂席後立兩拜各就坐翰林司供御  
茶訖宰臣已下并兩廊官贊喫茶宰臣已下降階北向  
立御藥傳旨不拜引兩廊官北向各再拜訖出皇帝起  
易服幘頭上蓋玉帶綵鞋乘輦鳴鞭出學百官諸生迎  
駕如前隨駕樂部參軍色迎駕念致語雜劇色念口號

曲子起壽同天引子導駕還宮在學前廊並該恩出官  
諸生各有免解恩例餘並推恩有差

登門賜赦

其日駕自文德殿詣麗正門御樓教坊作樂迎導參軍  
色念致語雜劇色念口號至御幄降輦門下閣門進中  
嚴外辦牌訖御樂喝捲簾上出幄臨軒門下鳴鞭宮架  
奏曲簾捲扇開樂止撞右五鐘黃繖纔出門下宰臣已  
下兩拜分班立門上中書令稱有敕立金雞門下侍郎

應喏宣奉敕立金雞雞竿一起門上仙鶴童子捧赦書  
降下閣門接置案上太常寺擊鼓鼓止捧案至樓前中  
心知閣稱宣付三省參政跪受捧制書出班跪奏請付  
外施行門上中書令承旨宣曰制可門下參政稱宣付  
三省遂以制書授宰臣跪受訖閣門提點開折授宣赦  
舍人捧詣宣制位起居舍人一員摘句讀舍人稱有制  
宰臣已下再拜俟讀至咸赦除之獄級奏脫枷訖罪囚  
應喏三呼萬歲歌呼而出候宣赦訖門上舍人贊樞密

及中書令曲賀兩拜門下宣制舍人捧制書授宰臣宰  
臣授刑部尚書尚書授刑房錄事訖歸班兩拜致詞三  
舞蹈三扣頭知閣稱有制宰臣已下再拜知閣宣荅

云云

若時大慶與  
卿等同之

又拜舞如前門上中書令奏禮畢扇合宮

架樂作簾降樂止撞左五鐘門下禮部郎中奏解嚴上  
還幄次門下鳴鞭舍人喝奉敕放仗宰臣已下再拜退  
次宣勞將士訖乘輦歸內至南宮門教坊司迎駕念致  
語口號如前至文德殿降輦舞畢退并陽翁詩云換輦

登門捲御簾侍中承制舍人宣鳳書乍脫金雞口一派  
歡聲下九天

金雞竿長五丈五尺四面各百戲一人緣索而上謂

之搶金鷄先到者得利物呼萬歲

繡羅襖子一領絹  
十足銀碗一隻重

三兩諸州進奏院各有遞鋪腰鈴黃旗者數人俟宣赦

訖即先發太平州萬州壽春府取太平萬壽之語以  
次俱發鈴聲滿道都人競觀

樓下排立次第



青龍白虎旗各一

信旗二

方圓罕畢二

方扇二

幢四

劍二

將軍二

僧衆居左

道衆居右

玉輅居中

大常宮架樂

宣赦臺

招拜紅旗

繫鼓

三院罪囚獄級居左

御馬六匹居右

宣制位居中

橫門

快行

承旨

三省官已下

恭謝

大禮後擇日行恭謝禮第一日駕出如四孟儀詣景靈宮天興殿聖祖前行恭謝禮次詣中殿祖宗神御前行禮還齋殿進膳訖引宰臣已下賜茶茶畢奏事訖還內第二日上乘輦自後殿門出教坊都管已下于祥曦殿

南迎駕起居參軍色念致語雜劇色念口號樂作駕後  
樂東西班則于和寧門外排立後從作樂將至太一宮  
道士率衆執威儀于萬壽觀前入圍子內迎駕起居作  
法事前導入太一宮門降輦候班齊詣靈休殿參神次  
詣五福十神太一次詣申佑殿本北辰殿通真殿佑順  
福殿太后延壽殿極南火德殿禮畢宣宰臣已下合赴坐  
官並簪花對御賜宴上服幘頭紅上蓋玉束帶不簪花  
教坊樂作前三盞用盤盞後二盞屈卮御筵畢百官侍

衛吏卒等並賜簪花從駕縷翠滴金各競華麗望之如  
錦繡衙前樂都管已下三百人自新椿橋西中道排立  
迎駕念致語口號如前樂動滿路花至殿門起壽同天  
曲破舞畢退姜白石有詩云六軍文武浩如雲花簇頭  
冠樣樣新惟有至尊渾不戴盡將春色賜羣臣萬數簪  
花滿御街聖人先自景靈回不知後面花多少但見紅  
雲冉冉來

是日皇后及內中車馬  
先還宮中呼后為聖人

### 聖節

其日候宰執奏事訖退班上坐垂拱殿先引樞密院并

管軍官上壽

東京分為二日  
今只併為一日

禮畢再坐紫宸殿上公已

下分立候奏班齊上公詣御茶牀前躬進御酒跪致詞

云文武百僚臣某等稽首言天基令節

聖節名  
遂朝換

臣等不

勝大慶謹上千萬歲壽下殿再拜樞密宣荅云得公等

壽酒與公等內外同慶又再拜教坊樂作接盞訖跪起

舞蹈如儀閣門官喝不該赴坐官先退樞密喝羣臣升

殿閣門分引上公已下合赴坐官升殿第一盞宣視盞

送御酒歌板色唱祝堯齡賜百官酒屬策起舞三臺

後並

此准

供進內鹹豉第二盞送御酒歌板起中腔供進雜爆

第三盞歌板唱踏歌供進肉鮓候內官起茶牀樞密跪  
奏禮畢羣臣降階舞蹈拜退此上壽大畧也若錫宴節  
次大率如夢華所載茲不贅書今偶得理宗朝禁中壽  
筵樂次因列于此庶可想承平之盛觀也

### 公主下降

南渡以來公主無及嫁者獨理宗朝周漢國公主出降

慈明太后姪孫楊鎮禮丈頗盛今擬梗槩于此

先是擇日遣天使宣召駙馬至東華門引見便殿賜玉帶靴笏鞍馬及紅羅百疋銀器百兩衣著百疋聘財銀一萬兩對御賜筵五盞用教坊樂俟畢謝恩訖乘塗金御仙花鞍轡狻座馬執綵鞭張三簷傘教坊樂部五十人前引還第謂之宣繫進財物件並照國朝會要太常寺關報有司辦造

先一月宣宰執常服繫鞵詣後殿西廊觀看公主房奩

真珠九翬四鳳冠

綸翟衣一副

真珠玉佩一副

金革帶一條

玉龍冠

綬玉環

北珠冠花籠環

七寶冠花籠環

真珠大衣背子

真珠翠領四時衣服

壘珠嵌寶金器

塗金器

貼金器

出從貼金銀裝檐等

錦繡銷金帳幔陳設茵褥地衣步障等物



其日駙馬常服玉帶乘馬至和寧門易冕服至東華門  
用鴈幣玉馬等行親迎禮用熙寧故事公主服九翬四  
鳳冠褕翟纁袖升轎其前

天文官

本位從物從人

燭籠二十

本位使臣

插釵童子八人

方扇四

圓扇四

引障花十

提燈二十

行障坐障

皇后親送乘九龍轎子皇太子乘馬圍子左右兩重其

後太子判宗正寺榮王榮王夫人及諸命婦至第賜御

筵九盞筵畢皇后太子先還公主歸位行同牢禮

用開  
實禮

然後親行盥饋舅姑之禮

開實  
通禮

謁見舅姑用名紙一副

衣一襲手帕一合粧盞澡豆袋銀器三百兩衣著五百

疋餘親各有差三朝公主駙馬並入內謝恩宣賜禮物

賜宴禁中外庭奉表稱賀賜宰執親王侍從內職管軍

副都指使已上金銀錢盛包子有差

依熙  
寧式

駙馬家親屬

各等第推恩

冊皇后儀

先一日宣押翰林學士鎖院草冊后制詞賜學士潤筆  
金二百兩次日百官聽宣布皇后三辭不允差官奏告  
天地宗廟社稷諸陵太史局擇日先期命有司陳設至  
日早文武百僚集于大慶殿門外節次贊引執事官入  
立班定皇帝自內服幘頭紅袍玉帶靴入幄更服通天  
冠絳紗袍禮部侍郎奏中嚴外辦禮儀使俛伏跪稱禮

儀使臣某言請皇帝發冊

餘與德壽宮上冊寶禮儀並同

侍中詣御坐

前躬承旨訖降東階立稱有制皆再拜太傅太保躬身  
侍中宣制曰冊妃某氏立為皇后命公等持節展禮太  
傅太保再拜叅政帥掌節者脫節衣詣太傅位掌節者  
以節授叅政叅政奉節西向以節授太傅太傅受訖以  
節授掌節者次中書令以冊授太傅太傅受訖置于案  
次侍中轉寶授太保並於前儀復位並再拜持節者前  
導冊寶進行太傅押冊太保押寶

止安樂作

由中道出文德

殿東偏門

樂止

掌節者加節衣至穆清殿外幄次初冊寶

出門禮儀使至御坐前跪奏禮儀使臣某言禮畢內侍

承旨索扇扇合簾降鳴鞭協律郎舉麾鼓祝

乾安樂作

皇帝

降坐入東房

憂敵樂作

侍中版奏解嚴是日至穆清殿設樂

架黃麾仗皇帝常服乘金龍肩輿至穆清殿後兩閣內

命婦等應陪者列奉從至閣內侍中版奏中嚴外辦應

行事執事官各就門外位立定持節者立于左內命婦

各就位皇后首飾褱衣內侍引司言引尚宮尚宮引皇

后出閣協律郎舉麾

坤安  
樂作

由西房至殿上南向立定

止樂

禮直官引太傅太保就內給事詣皇后前跪奏如前次  
太傅以冊授內侍內侍授冊舉冊官奠冊舉冊舉案俱  
詣內謁者監位以冊授內謁者監受冊奠訖次太保轉  
寶授內謁者監如前儀掌節者脫節衣節授掌節內侍  
前導冊寶進行入殿門內謁者監都大主管後從以次  
入殿

宜安  
樂作

至位

止樂

尚宮引皇后自東階至殿下中褥位

北向

永安  
樂作

至位

止樂

舉冊寶官并案進于皇后之右少前

西向跪奠訖內侍稱有制后再拜讀冊官跪宣冊文后

又再拜次內謁者監奉冊授皇后皇后受訖以授司言

次奉寶授皇后皇后受訖樂止皇后再拜退內侍以謝皇

太后牋授皇后皇后置于案再拜內侍奉表以出授進

次謝皇帝表如前內侍奏禮畢次尚宮引后升堂和安樂作

司賓奉寶至于坐前樂止司賓引內命婦次就位班首初

行惠安樂作至位樂止命婦皆再拜司贊引班首升階惠安樂作樂止

進當皇后北向致詞稱贊階自西降惠安樂作至位樂止內外

命婦皆再拜司言稱令旨命婦皆再拜宣令旨訖又皆

再拜司賓以次引命婦還宮惠安樂作出門樂作次內侍引外

命婦出咸安樂作至階上樂作北向致詞咸安樂作降階樂作外命婦

皆再拜又宣荅如前內侍奏禮畢皇后降坐徽安樂作皇后

歸閣泰安樂作至閣樂作受賀畢皇后更常服升坐命外命婦

如宮中儀會畢再拜以次出

### 皇后歸謁家廟

太史局預擇日降旨命禮寺參酌禮典所屬排辦至日



皇后出宮至祥曦殿上升龍檐出和寧門至皇后家廟  
本府幹辦使臣等並穿秉兵士並衫帽于大門外香案  
前排立俟儀衛至各兩拜本府親屬于門內婦人于廳  
下側立候龍檐升廳至堂門降檐入幄次少歇次本府  
親屬並立幄前與居退詣家廟以俟陪立次本閣官奏  
請皇后服團冠背兒乘小車入詣家廟內侍傳呼西階  
降車樂皇后升堂西向位樂兩拜陪位官各兩拜讀祝  
文兩拜陪位各兩拜如上儀樂作樂皇后還位再拜陪

止如上

位官各兩拜皇后降東側階升車

樂止

又詣後堂炷香如

前儀次赴賜筵皇后坐于堂中南向堂前施簾親屬並常服詣廳下南向謝恩俟皇后升堂詣簾前兩拜婦人于簾內兩拜親屬並繫鞋立定以俟就坐供進酒食如家人禮至第五盞各于席前立俟皇后降坐少歇再坐並如前儀又至第九盞酒畢並靴笏各兩拜賜筵賜物次于廳前排立謝恩各兩拜俟皇后出幄乘龍檐親屬北向兩拜退皇后還內詣御前謝恩筵內御前及送諸

閤分夫人御侍詔部職事內人及諸位次內人本殿內人並細色疋帛盤盞細菓海鮮時新喫食及支給內侍省大官已下及本殿官吏銀絹有差次日內降指揮皇后封贈三代親屬並行推恩

早泛索

皇后 下飯七件 小櫟兒五件

菜蔬五件 菜果十合

親屬 各早食十味

賜筵

皇后

繡高釘十

時果十楪

脯腊十楪

細京果十楪

細蜜煎十楪

看果十楪

親屬

京果四十壘

脯腊三百楪

時果乾果共五百楪

初坐

皇后

下酒喫食九盞

上細看食十件

果子意思十件

歇坐 下酒喫食十盞 果子十件

時果十件

宣賜折食錢

大官四員 閤長已下十三員 皇后閤內人  
押班等二十五人 本殿隨從官 儀鸞司官

御酒庫官 御輦院官 御厨官 翰林司官

祇候庫官 講殿幕士 樂官

賜筵樂次

宗廟酌獻三盞諸部合長生樂引子

賜筵初坐 蕙蘭芳引子

第一盞 感粟起玉漏遲慢 笛起側犯

笛起真珠髻 感粟起鶯穿柳 合喜慶曲破對

舞

第二盞 感粟起聖壽永歌曲子 琵琶起傾盃樂

第三盞 琵琶起憶吹簫 感粟起獻仙音

第四盞

琵琶獨彈壽千春

笛起芳草渡

念致語口號

勾雜劇時和等堯舜禹湯斷送萬

歲聲

合意思副末念

雨露恩濃金穴貴  
風光遠送馬侯家

第五盞

感粟起賣花聲

笛起魚水同歡

歇坐

第一盞

感策起合小唱簾外花

第二盞

琵琶獨彈無疆壽

第三盞

箏琶方響合雙雙燕神曲

第四盞 唱賺

第五盞 鼓板 感策合小唱舞楊花

再坐

第六盞 笙起壽南山 方響起安平樂

第七盞 箏彈會羣仙 笙起吳音子 勾雜劇吳

國寶等做年年好 斷送四時歡合意思副末念

香生花富貴

綠嫩草精神

第八盞 笛起花犯 感策起金蓮倒垂蓮



第九盞 諸部合喜新春慢曲犯 樂官五十人各

帽子紫衫腰帶 都管一人幞頭公服腰帶繫鞋

執杖子

樂官犒設

內藏庫支賜銀 皇后殿外庫支賜錢酒

本府支犒錢酒

皇后散付本府親屬宅眷幹辦使臣已下

金谷 金瓶 金盤盞 金環 金釵 金釵 金

錢 共金五百兩 銀盤盞共二千兩 細色疋段  
翠領 翠花 翠冠 翠扇 翠篋環 銀錢畫扇  
龍涎香 畫領 刺繡領 生色羅

宮中誕育儀例畧

宮中凡閤分有娠將及七月本位醫官申內東門司及  
本位提舉官奏聞門司特奏再命醫官指定降誕月分  
訖門司奏排辦產閤及照先朝舊例三分減一于內藏  
庫取賜銀絹等物于後 羅二百疋 絹四千六百七

十四疋

釘設產門

一臘

二臘

三朝

百晬

三臘

頭

晬

滿月

金二十四

兩八錢七分二釐

裹木幹枝

銀計

銀計

銀計

銀計

銀計

銀計

銀計

銀計

銀計

銀計

十兩 銀錢三貫足

大銀盆一面 醃醱沉香酒五十

三石二十八升 裝畫扇子一座 裝畫油盆八面

簇花生色袋身單袋一副 催生海馬皮二張 檀香

匣盛唾銅剃刀二把 金鍍銀鎖鑰全 彩畫油栲栳簸

箕各一 彩畫油甌八口 彩畫油瓶二 新羅漆馬

啣鐵一副 裝畫胎衣瓶 鐵秤錘五箇 鐵鈎五十

條 眠羊卧鹿二合各十五事 金銀果子五百箇

影金貼羅散花兒二千五百 錦沿席一 綠席氈繡

合褥子各二 碼礪纈絹一疋 大氈四領 乾蓐草

一束 雜用盆十五箇 暖水盂五箇 綠油柳木槌

十箇 生菜一合 生艾一斤 生母薑二斤 黑豆

一斗 全 考 棧 無灰酒二餅 米醋二餅 紐地黃汁布

二條 濾藥布二條 金箱兒 漆全 香墨十錠 紅羅影 金匣 雞

子五十箇 金漆 箱兒 小石子三十顆 竹籠 作 竹紫五十把

紅布袋二

盛馬通未用

帶泥藕十挺

生芋子一合

彩畫

銀杏一合五十斤

內裝畫一千箇

嘉慶子五十斤

內裝畫七百箇

菱米五十斤

內裝畫七百箇

胡桃二千箇

裝畫

圓眼五十

斤

裝畫

荔枝五十斤

蓮肉五十斤

栗子五十斤

果子十合

喫食十合

蒸羊一口生羊剪花大色子棗

豌豆

八節羊棗塔兒

糖餅 炊餅 糕 髓餅 棗浮圖兒

仍令

太醫局差產科大小方脉醫

官宿直供畫產圖方位飲食禁忌合用藥材催生物件

合本位踏逐老娘伴人乳婦抱女洗人等

申學士

院撰述淨胎髮祝壽文 排辦產閤了畢犒賜修內司  
會通門官本司人吏庫子醫官儀鸞司等人銀絹官會  
有差 候降誕日本位官即便申內東門司轉奏 降  
誕三日一臘兩臘四節次折產閤三臘滿月二次百晬  
頭晬已上十次支賜銀絹仍添本位聽宣內人請給十  
分已上並係常例此外特恩臨時取旨不在此限外廷  
儀禮不在此內

皇子行冠禮儀畧

太史擇日降旨命太常寺參酌舊禮有司具辦儀物至日質明百僚立班皇帝即御坐禮直官通事舍人太常

博士引掌冠贊冠者入就位

掌冠以太常卿贊冠以閤門官

初入門

祇安

樂作至位

樂止

典儀贊再拜在位皆再拜跪左輔詣御坐前

承制降自東階詣掌冠者前稱有制典儀贊再拜在位皆再拜訖左輔宣制曰皇子冠命卿等行禮掌冠贊冠者再拜左輔復位王府官入詣皇子東房禮直官通事舍人太常博士引皇子內侍二人夾侍王府官後從

自從

並准此

皇子初行

恭安樂作

即席南向坐

樂止

禮直官等引掌冠

贊冠詣壘洗

樂作

搯笏盥手悅手訖執笏升

樂止

執折上巾

者升掌冠者降一等受之右執頂左執前進皇子席前

北向跪冠

修安樂作

掌冠者興席南北面立贊者進席前北

面跪進服服訖

樂止

掌冠揖皇子復坐贊冠者跪取爵內

侍以酒注為爵掌冠受爵跪進皇子席前北向立祝曰

酒醴和旨籩豆靜嘉受爾元服兄弟具來永言保之降

福孔皆皇子搯笏跪受爵

翼安樂作

飲訖奠酌執笏太官令



奏饌設于皇子席前皇子搢笏食訖執笏太官令撤饌  
並如前贊冠者進席北向跪脫七梁冠置于匱興內侍  
跪受服興置于席執九旒冕者升掌冠者降三等受之

右執項左執前進皇子席前北向跪冠

廣安樂作

掌冠者興

贊冠者進席前北面跪簪結紘興立皇子興內侍進服  
訖

樂止

皇子復坐贊冠者再進酒如前祝曰旨酒既清

嘉薦令芳三加爾服眉壽無疆永承天休俾熾而昌皇

子跪爵

賢安樂作

太官令奉饌如前皇子降自東階詣朶殿

東房易朝服降立于橫街南王府官階下西向皇子初

行

樂作

至位

樂止

禮直官等引掌冠者詣皇子位少進字之

曰歲日云吉威儀孔時昭告厥宇君子攸宜順爾成德  
永受保之奉勅字某皇子再拜舞蹈再拜奏聖躬萬福  
又再拜左輔詣御坐前承旨降階詣皇子前宣曰有勅  
皇子再拜左輔宣勅戒曰好禮樂善服儒講藝蕃我王  
室友于兄弟不溢不驕惟以守之宜訖皇子再拜餘如  
皇太子儀次日文武百僚詣東上閣門拜表稱賀

人使到闕

北使到闕先遣伴使賜御筵于赤岸之班荆館中使傳  
宣撫問賜龍茶一斤銀合三十兩次日至北郭稅亭茶  
酒上馬入餘杭門至都亭驛中使傳宣賜龍茶銀合如  
前又賜被褥銀沙鑼等明日臨安府書送酒食闔門官  
說朝見儀投朝見榜子又明日入見于紫宸殿見畢赴  
客省茶酒遂賜宴于垂拱殿酒五行從官已上與坐是  
日賜茶酒名果又賜使副衣各七事幞頭牙笏二十兩

金帶一條并金魚袋靴一雙馬一匹鞍轡一副共折銀五十兩銀沙鑼五十兩色綾絹一伯五十疋餘並賜衣帶銀帛有差明日賜牲餼折博生羅十疋綾十疋絹布各二疋朝見之二日與伴使偕往天竺寺燒香三十兩並齋筵乳糖酒果次至冷泉亭呼猿洞遊賞次日又賜肉中酒果風藥花餉赴守歲夜筵用傀儡元正朝賀禮畢遣大臣就驛賜御筵中使傳宣勸酒九行三日客省簽賜酒食禁中賜酒果遂赴浙江亭觀潮酒七行四日

赴玉津園燕射命善射者假官伴之賜弓矢酒行樂作  
伴射與大使射弓館伴與副使射弩酒九行五日大燕  
集英殿尚書郎官監察御史已上並與學士院撰致語  
六日裝班朝辭退賜襲衣金帶三十兩銀沙鑼五十兩  
紅錦二色綾二疋小綾十色絹三十疋雜色絹一百疋  
餘各有差臨安府書送贈儀復遣執政就驛賜燕晚赴  
解換夜筵伴使始與親勸酌且以衣物為賄謂之私覲  
次日賜龍鳳茶金銀合乘馬出北關登舟又次日遣近

臣賜御筵自到關至朝辭密賜大使銀一千四百兩副  
使八百八十兩衣各三襲金帶各三條都管上節各銀  
四十兩衣兩襲下節各銀三十兩衣一襲塗金帶副之



乾淳御教記

周密

壽皇留意武事在位凡五大閱

乾道二年四年六年淳熙四年十年

或幸

白石或幸茅灘或幸龍山一時儀文士馬戈甲旌旗之盛雖各不同今撮其要以著于此

先一日諸軍人馬金裝執色于教場東布列軍幕宿營至日殿前馬步諸軍先赴教場下方營并親隨軍排列將壇之後質明三衙管軍官並金裝從駕上自祥曦殿戎服乘馬太子親王宰執近臣並戎服乘馬以從護聖



馬軍八百騎分執鎗旗弓矢軍器前後奏隨軍番部大

樂等

詳見後御教儀衛次第

駕入教場升幄殿殿帥執搥躬奏諸

司人馬排立齊舉黃旗招諸軍向御殿梆子一鼓唱喏

一鼓呼萬歲再一鼓又呼萬歲疊鼓呼萬萬歲又一鼓

唱喏殿帥奏取聖旨鳴角發嚴上御金裝甲胄登將壇

幄殿鳴角戒嚴殿帥奏取聖旨馬步軍整隊成屯以備

教戰連三鼓馬軍上馬步軍起旗槍分東西為應敵之

勢舉白旗教方陣黃旗變圓陣皂旗變曲陣青旗變直

陣緋旗變銳陣緋心皂旗作長蛇陣緋心白旗作伏虎  
陣殿帥奏取聖旨兩陣各遣勇將挑戰變八圓陣疊鼓  
舉旗左馬軍戰右步軍右馬軍戰左步軍再疊鼓交旗  
擊刺混戰三疊金分陣大勢馬軍四面大戰三疊金分  
陣殿帥奏教陣訖取旨人馬排列當頭鳴角簇隊以俟  
放教諸軍呈大刀車炮烟槍諸色武藝御前傳宣撫諭  
將士射生官進獻獐鹿上更戎服賜宰臣已下對御酒  
五行殿帥奏取旨謝恩如前唱喏訖駕出教塲是日太

上皇于都亭驛設簾幄以觀駕至邀上入幄宣喚管軍  
官賜大金碗酒于簾外都人贊歎以為盛觀時殿司旗  
幟以黃馬司以緋步司以白以道路隘促止用從駕軍  
一萬二千四百人分為二百四十八小隊戈甲耀日旌  
旗蔽天連亘二十餘里粲如錦繡都人縱觀以為前所  
未有凡支犒金銀錢帛以鉅萬計悉出內庫戶部不與  
焉

御教儀衛次第

文物儀衛並同四孟駕出今止添入後項

彈壓前隊侍立使臣都轄

執黃龍旗使臣

執繡龍旗使臣

帶弓箭汗胯豹尾使四員

帶汗胯員騎劍使臣十員

彈壓後隊侍立使臣都轄

黃羅戲珠龍旗

黃繡龍旗二

豹尾使臣四

員騎劍使臣十人

供進馬四匹

帶甲御馬

御前金裝甲馬

管押使臣幕士

內中正供馬

獸醫押槽

黃繡龍傳宣旗二

小龍傳宣旗十

隨逐巡視官

馬院禁衛官

引馬監官二員

供馬監官二員

聖駕供鞭通管二員

撥梢提轄二員

日烏獨脚旗

挾駕指揮四十二人

銷金龍旗二

犀皮御座椅

鈐鎚刀子

左

匙筋刀子

右

青檀御笠

褐檀御笠

金鳳瓶

絲鞵篋子

御膳篋子

玉靶子闌刀

馬腦子闌刀

水晶子闌刀

金洗嗽

皂白御靴

通犀于闐刀

角靴于闐刀

酒螯子

大 小

白虎皮杖榼

白豹皮杖榼

梳刷馬盂袋

黑漆套盤

圭木套盤

銷金弓箭葫蘆

虎豹皮弓箭袋葫蘆

飲水角

拍板二

哨笛四

番鼓二十四人

彈壓樂器使臣

管押訓練官

杏黃龍旗二

威篲二

札子九

大鼓十

龍笛四

臨安府彈壓官屬

從駕官宰臣已下並如常日



--	--	--	--	--	--	--	--

燕射記 周密

淳熙元年九月孝宗幸玉津園講燕射禮皇太子宰執使相侍從正任皆從輦至殿門外少駐教坊進念致語口號作樂于麗正門由嘉會門至玉津園賜宴酒三行上服頭巾窄衣束帶絛鞵臨軒內侍御帶進弓箭看箭人喝看御箭教坊樂作射塚前排立招箭班應喏皇帝第二箭射中皇太子已下各再拜稱賀進御酒拜宣勸訖皇太子已下及臣僚射弓第四箭射中上再射第三

箭又中的傳旨不賀舍人先引皇太子當殿賜窄衣金  
束帶次引射中臣僚受賜如前再進御酒奏樂用雜劇  
次賜宰臣已下十兩銀碗各一隻上賦七言詩丞相魯  
懷已下屬和以進上乘逍遙輦出玉津園門教坊雜念  
口號至祥曦殿降輦招箭班者服紫衣幞頭入手立於  
堦前御箭之來能以幞頭取勢轉導入的亦絕伎也

唱名記 周密

第一名承事郎

第二第三名並文林郎

第一甲賜進士及第

第二甲同進士及第

第三第四甲賜進士出身

第五甲同進士出身

武舉第一名秉義郎

特奏第一名同進士出身

上御集英殿拆號唱進士名各賜綠襪袍白簡黃襯衫  
武舉人賜紫羅袍鍍金帶牙笏賜狀元等三人酒食五  
盞餘人各賜泡飯前三名各進謝恩詩一首皆重戴綠  
袍絛鞭駿馬快行各持敕黃於前黃旗雜沓多至數十  
百面各書詩句于上呵殿如雲皆平日交遊親舊相送  
之人或三學使令齋臧輩若執事之人則係帥漕司差  
到狀元局祇應亦有術人相士輩自術預定魁選鼓舞

於中自東華門至期集所豪家貴邸競列綵幕縱觀其  
有少年未有室家者亦往往於此擇壻焉期集所例置  
局於禮部貢院前三人主之於內遴選所長以克職事  
有糾彈牋表主管題名小錄掌儀典客掌計掌器掌膳  
掌酒果監門等後旬日朝謝又數日拜黃甲叙同年其  
儀三名設褥于堂上東西相向四十已上立于東廊四  
十已下立于西廊皆再拜拜已擇榜中年長者一人狀  
元拜之復擇少者一人拜狀元又數日赴國子監謁謝

先聖先師訖賜聞喜宴于局中侍從已上及館職皆與  
知舉官押宴遂立題名石刻凡費悉出於官及諸閭饋  
遺云

天基聖節排當樂次

周密

樂奏夾鐘宮感策起萬壽永無疆引子王恩壽

第一盞感策起聖壽齊天樂慢周潤

第二盞笛起帝壽昌慢潘俊

第三盞笙起昇平樂慢侯璋

第四盞方響起萬方寧慢余勝

第五盞感策起永遇樂慢楊茂

第六盞笛起壽南山慢盧寧



第七盞笙起戀春光慢任榮祖

第八盞感策起賞仙花慢王榮顯

第九盞方響起碧牡丹慢彭先

第十盞笛起上苑春慢胡寧

第十一盞笙起慶壽樂慢侯璋

第十二盞感策起柳初新慢劉昌

第十三盞諸部合萬壽無疆薄媚曲破

初坐樂奏夷則宮感策起上林春引子王榮顯

第一盞感策起萬歲梁州曲破齊汝賢

舞頭豪俊邁

舞尾范宗茂

第二盞感策起聖壽永歌曲子陸恩顯

琵琶起捧瑤卮慢王榮祖

第三盞唱延壽長歌曲子李文慶

嵇琴起花梢月慢李松

第四盞玉軸琵琶獨彈正黃宮福壽永康寧俞達

拍王良卿

感策起慶壽新周潤 進譚子笛哨潘俊

杖鼓朱堯卿

拍王良卿 進念致語等時和

伏以華樞紀節瑤墀先五日之春玉歷發祥聖世啓千  
齡之運歡騰薄海慶溢大庭恭惟皇帝陛下濬哲如堯  
儉勤邁禹躬行德化躋民壽域之中治洽泰和措世春  
臺之上皇后殿下道符坤順位儷乾剛宮闈資陰教之  
修海寓仰母儀之正有德者必壽八十个甲子環周申

命其用休億萬載皇圖鞏固臣等生逢華旦叨預伶官  
輒采聲詩恭陳口號

上聖天生自有真 千齡寶運紀休辰

貫樞瑞彩昭璇象 滿室紅光裊翠麟

黃閣清夷瑤莢曉 未央閑暇玉卮春

箕疇五福咸敷歛 皇極躬持錫庶民

日遲鸞旆喜聆舜樂之和天近鶴墀宜進齊諧之伎上  
奉天顏吳師賢已下上進小雜劇

雜劇吳師賢已下做君聖臣賢爨斷送萬歲聲  
第五盞笙獨吹小右角長生寶宴樂侯璋

拍張亨

笛起降聖樂慢盧寧

雜劇周朝清已下做三京下書斷送遶池遊  
第六盞箏獨彈高雙調聚仙歡陳儀

拍謝用

方響起堯階樂慢劉民和

進聖花金寶

第七盞玉方響獨打道調宮聖壽永余勝

拍王良卿

箏起出牆花慢吳宣

雜手藝祝壽進香仙人趙喜

第八盞萬壽祝天基斷隊

第九盞簫起縷金蟬慢傅昌寧

笙起託嬌鶯慢任榮祖

第十盞諸部合齊天樂曲破

再坐第一盞感策起慶芳春慢楊茂

笛起延壽慢潘俊

第二盞箏起月中仙慢侯端

嵇琴起壽爐香慢李松

第三盞感策起慶簫韶慢王榮祖

笙起月明起花燈慢任榮祖

第四盞琵琶獨彈高雙調會羣仙

方響起玉京春慢余勝

雜劇何晏喜已下做楊叛斷送四時歡

第五盞諸部合老人星降黃龍曲破

第六盞感策獨吹商角調筵前保壽樂

雜劇時和已下做四偌少年遊斷送賀時豐

第七盞鼓笛曲拜舞六么

弄傀儡踢架兒盧逢春

第八盞簫獨吹雙聲調玉簫聲

第九盞諸部合無射宮碎錦梁州歌頭大曲

雜手藝永團圓趙喜

第十盞笛獨吹高手調慶千秋



第十一盞琵琶獨彈大呂調壽齊天

撒弄壽果放生姚潤

第十二盞諸部合萬壽興隆樂法曲

第十三盞方響獨打高宮惜春

傀儡舞鮑老

第十四盞箏琶方響合纏令神曲

第十五盞諸部合夷則羽六么

巧百戲趙喜

第十六盞管下獨吹無射商柳初春

第十七盞鼓板

舞綰壽星姚潤

第十八盞諸部合梅花伊州

第十九盞笙獨吹正平調壽長春

傀儡羣仙會盧逢春

第二十盞感策起萬花新曲破

祇應人

都管

周朝清 陸恩顯

雜劇色

吳師賢 趙恩 王太一 朱旺

猪兒頭

時和 金寶 俞慶 何晏喜

沈定 吳國賢 王壽 趙寧

胡寧 鄭喜 陸壽

歌板色

李文慶

拍板色

王良卿

張亨

謝用

簫色

傅昌寧

朱明復

李允信

箏色

陳儀

豪輔文

吳宣

豪俊賢

徐顯祖

張廣

琵琶色

王榮祖 豪俊民 俞達 豪俊邁

段繼祖

嵇琴色

李松 侯端 孫民顯

笙色

侯璋 葉茂青 任榮祖 董茂

張瑾 潘寶 姚拱 范椿

孫昌 莫正 周珍 馬椿

陳寶

姚舜臣

感策色

齊汝賢

周潤

楊茂

王恩

王榮顯

姜師賢

劉昌

楊彬

王福

杜明

喻祥

周忠恕

夏福

徐珏

周喜

聞澄

沈壽

丁預

鄭亨

周佐

楊瑾

沈康

鄭聰

莫壽

潘顯祖

時潤

胡侑

周信

李圭

李潤

史顯

金壽

笛色

楊德茂

潘俊

盧寧

彭俊

賀昌

賀壽

胡師文

壽椿

姚寶

張茂祖

崔興

朱珍

張茂才

金貴

潘顯祖

沈壽

周興

李大用

董大有

金明

趙喜

莫及

張春

葉茂

胡寧

任顯

張椿

孫寧

彭進

李榮

全寧

金彥恭

董喜

王佑

來亨

王喜

顧和

顧松

金顯

董寧

杜松

李椿

張椿

何福

管思齊

朱喜

花椿

李拱辰

方響色



金勝

彭先

黃桂

劉民和

姜大亨

張榮

杖鼓色

朱堯卿

馮喜

時忠

施榮

朱拱辰

周忠

李顯

姚寶

葉茂

李榮祖

大鼓色

王喜

鄧珍

王宣

顧榮

舞旋色

范宗茂

內中上教

張明

倪椿

潘恩

石琇

張琳

弄傀儡盧逢春等六人


雜手藝姚潤等九人

女廝撲張椿等十人

築球軍陸寶等二十四人

百戲沈慶等六十四人

百禽鳴胡福等二人



說郛卷五十三上